

浮梁縣志卷之三

學校

學制

書籍

祭器

祠制

學產

書院社學

浮梁舊志斷自宋始查昌南歷記唐有夫子廟記遺文具在與其疑而去之毋寧珍而存之文見藝文至我

國家崇儒重道加意膠庠

三聖綸音燦如星日又復追封五代晉祀先儒

碩發經書聿新俎豆士生斯世瞻美富切景行宜何如爭自濯

磨以仰副栽培作育之盛也舊載元豐間由邑西北徙東南今按學址高明爽壇居一邑之勝泮水濼洄文峰雙峙前之人業已不媿利名遙望前脩寧古今人不相及也矧



復書院社學前時林立今更新建紹文景仰蒸陶多士雖膏火猶需式廓而規模已闕遠矣因附記之作學校志

學制

宋

縣學在邑西北宋元量間縣令張景修從於東南即今而
淳熙三年縣令劉三戒新之自為記

記曰淳梁黌宮久弗葺殿將墜馬吳興劉三戒淳熙乙未來試邑丞范澄簿錢佖尉張任皆盡職悉力以濟不逮越明年歲有秋民樂業慨然有修崇學校之舉度公家之用不足則捐俸以輯事秋毫無擾於民若講堂禮殿修廊扶廡棟榭梁楹蓋瓦級磚之腐撓破缺者悉治易之新夫

子之像益畫從祀先賢列東西二齋戶牖虛敞揭以任名增瓶庀漏與夫器用之屬昔所缺者咸具又取周官之言大徹堂後殿畚壤焚福而佳木秀出有桂有槐有梅多開一室以為會文之所鳩工於六月甲申七月丙辰落成後二日姝釋奠三戒謹序其事其後縣令徐暉趙喜著相繼增修

嘉泰間縣令趙汝衡構齋廡築墻垣

開禧間縣令趙汝清易祭器增學田新講堂

寶慶間縣丞王億重構講堂

端平間縣令潘材修之饒州提點刑獄司袁甫有記

記曰今治百里簿書期會之外以興修學校為急難能矣

然修學而已爾學修而士無以養又輟餘財以助贍給難
能矣然養士而已爾矜佩來集絃誦琅琅又嚴程督以進
材藝難能矣然課業而已爾潘君材之宰浮梁也三者皆
優為之一日貽書於余且言令邑以來縮浮費葺學宮凡
門廊齋舍煥然更新又創傑閣崇奉奎章學廩所入有限
則捐帑廩濟其乏春秣補弟子員月有試旬有課駸駸可
觀矣請記之余去年春觀風至茲邑嘗集屬僚登諸生講
道矣咸謂余迂令令偕群士求記是弗我迂也令弗我迂
固當士弗我迂其亦有感乎桑麻菽粟舉世不以為迂以
其能生我也人非道不生而舉世一聞談道則以迂目之
道固在桑麻菽粟外耶目道以迂則不迂非道也且不迂

之利犯非道之名道實生我而欲違道以謀生吾甚悲世
人之惑也令不謂我迂是不目道以迂也令不目道以迂
環百里之士若民皆不以道為迂孝而親敬而長行者習
察勿失秉彝道化其將興乎余嘗語茲邑之士曰令之新
政是一初也士今日聽講是亦一初也此初嘗新則曰日
如初令勉之士勉之余亦因以自勉焉

實祐閩縣令吳泳創宸奎閣德祐元年經兵燹前運皆燬
元

元初建殿至元廿一年縣尹萬聚重構堂廡堂曰化成邑人

李午記

記曰浮梁儒宮雄據地靈二水環帶諸峰玉立鉅公名鄉

肩摩趾接文運中微鞠為莽蔬皇元投戈息馬首賜興崇
過江諸賢至必肅恭奠謁風厲德意飭官諭士像圖維新
殫吾力之所至甫成王宮正室懼無以稱上旨館諸生泗
州萬公聚來尹是邦以斯道為己任護士類如元氣顧瞻
遺址慷慨倡義風鐸翕然計食相材工匠勤力不數月而
集堂曰化成吁學之興廢雖存乎數而實存乎人嘗厄於
庚子兵火舊令尹新之令令尹又新之夫復舊規於交會
盤錯之時視文恬武熙之日難易可知矣漢文翁興學成
都以仁愛教化為本除士吏繇異世同心如出一轍

皇慶二年知州郭郁重新廟學司業鄧文原記

記曰淳熙元年三月汴梁郭侯由江浙行中書省都事出

守淳梁淑事之始見於先聖顧瞻庭宇褊陋弗葺懼無以
昭來格而承歲祀爰聚多士勸相鳩工庀具廓宏厥規始
是年六月暨十一月落成齋廡堂垣門序庖湑悉隆舊觀
乃十日率僚吏諸弟子員行釋菜禮以告成事既又聘者
德為弟子師公退則躬加飭勵而稽考其勤惰由是編民
佐吏咸競於學而來者未有止也越二年冬十一月制詔
天下郡縣興其賢者能者充職有司敦尚德行經術而黜
浮華之士此三代學校選舉遺制文原忝教胥子而番士
方玉甫等以書來曰郭侯嘉惠於學願有紀也文原竊惟
古之學者自二十五家之閭以里居之有道德者為左右
師自是而升之黨庠術序國學雖教成有漸然其道必原

於經術傳曰時教必有正業言非是則險詖頹僻王政所不容是以教化一而風俗同周衰經術已不逮古至秦而極漢興至建元幾八十年始罷斥百家表章六經經籍之弗墜翳漢儒是賴大學以為己而效可及於天下一有希世取寵之私則所施必悖士之遊息蘊修於此者尚庶幾夙夜交儆以無負菁莪豐芑之澤是亦郡太守承流宣化者之望也侯名郁字文卿喜讀書於易尤研蹟其守浮梁嘗新建舟梁均賦役汰繁冗雪滯寃為政號稱廉能云

明

明和州熊衡建殿及門尋燬

洪武二年知縣王文德六年知縣夏闓相繼重建八年通判吳浩構兩廡櫺星門

永樂九年知縣王激構學門饌堂

宣德三年通判諸忠易民地增建居室四年主簿高北復構殿

正德十二年知縣趙應易櫺星門及殿廡階級皆以石

成化七年知縣張俊重修毛祭酒撰記

記曰浮梁自武德中置縣遂有學在縣西北宋元豐間徙縣治南國初嘗即其地鼎建矣自時厥後屢葺屢敗成化六年春按察僉事楊君大榮謀繕漫之太守吳君忱二守張君玘聞而惕焉曰此吾任也屬之知縣張俊募諸邑中

之好義者衆既樂應教諭林岳遂以嘗所營饌堂餘資白
之提學副使夏君寅為首倡矣詎日市材百役具興易故
以新飾暗以明廟自大成殿以至兩廡戰鬥凡若干楹學
自明倫堂尊經閣兩齋以至師生解宇廬舍庖廩之所凡
若干區前戰鬥櫺星門門凡三其外為泮宮區別位置雖
一仍其舊而堅壯華好則有加於昔矣始事於庚寅八月
以明年九月告成

成化二十三年邑令何文英重修

按舊志載太監鉅原鼎造縣元楨記但一邑文廟以大
監主名有司同屬闕况而邑之士民尤大無色故仍曰
知縣王之而
原文節去

宏治十二年火十六年知縣左輔建邵副使實記

記曰浮梁縣學之建久矣宏治己未大庾中新之癸亥落
成實謂其得修舉之常當記成蹟凡新作大成殿東西廡
戰鬥明倫堂二齋等屋若干間其仍而飾者不與是數用
木若干石若干磚若干瓦若干鐵若干他物數各稱是始
議者知府李復貞而侯知府漢茹同知鑾沅推官諤終之
教諭張洪訓導鄭岳徐組寅申告成之請

嘉靖廿一年知縣汪宗伊增置師生室觀光樓初學旁有東
嶽廟宏治十四年巡撫林俊毀之及是宗伊盡取其地入
學以通遼業門易民地鑿泮池廣三十一丈七尺袤一十
四丈五尺繚以周垣規制始備盧瓊記之

記曰泮宮周制也諸侯學也南面橫其池水於禮方象教

也皇明懋德稽古國學為辟雖天下郡縣學皆以泮名池亦如制示尊也浮梁學宮而不池蓋學基長徑東西南則卑峻喧溢欲池而無地櫺星門外縱橫皆通衢去數步有渠為民居室疏圃所斷欲水而無徵民地貿易必縣長吏能致之可為而無人舊於衢之岐立石坊鏤曰泮宮是節虛名而無實嘉靖庚子冬邑侯汪公來令茲土明年政安人和百廢具舉先葺師生號舍四十餘間次燬淫祠建青雲樓以門臨街重立啟聖公祠復度官隙地易民地并舊衢而垣以甃鑿池其中而甃以石引水半規深廣汪泮豁如也是故其他益肆其範圍蓋闈師儒解景山俞石峰許毅喬與庠生三百人喜動詞色乃貞珉屬文於墻以記之

粵惟吾夫子之道利澤在天下萬世物則而為人典章而為國耕鑿而相生相養以為家其保合參維者率由於斯凡地之可益於官雖民赤手而輸之官窮知力而効之亦分也先是景山石峰亟求於縣卒不可得一訊於民則傲且從康寧服罪不舍及觀浮屠入中國有施名山大澤而無吝者何吁自漢流毒譁張禍福夫子之道使人日用而不知官民之奉者不能如浮屠之專則其難也固宜乃公為政義以約之禮以訓之介以先之若節以畜之邑歲省費無慮萬計而民已悅及為斯役地以易之恩以懷之則其易也亦宜雖然公不使民悅且輸也亦惟以夫子之道用之耳夫子告子張曰惠而不費勞而不怨欲而不貪斯

役也官得其制民得其業師生見大而廣其心志丕視功
載悉公無一財之傷不亦惠而不費乎鍛礪之取百工之
鳩以重直償之丕識用休無一民之籲不亦勞而不怨乎
仁者心也天下求所以大聖道流教化者人心之同既而
各得其志不亦歆而不貪乎君子舉事祭道於躬有如此
者余按春秋夫子修之也魯至僖公始作泮宮宜乎也而
夫子不書惟詩存頌禱之詞爾吾邑之學百八十年因陋
就簡至是始能克擴之師生取法夫子之道敬業樂庠推
而建勳業於天下後世孰不知功由於今哉魯作泮宮春
秋不書又無夫子為之宗不足以比今之學明矣然大經
與天壤同做僖公得附焉茲池之作當與斯邑相為終始

則垂之不朽也又宜公崇陽人諱宗伊以鄉試第一登戊
戌進士少泉其號也銘曰聖道於昭宮焉羽儀教化流行
象之以池厥池漣漪方格是式維華維鼎誰其己日瑩然
我侯一介不屑民之仰之水壺沐月義以約迪撞以記殘
民之化之毗陵同安何敬匪刑慶咸中哉何省匪財民安
節哉首惟學校身言之教宅俊有觀離經有造爰始爰謀
經我大猷道源化本洙泗之流凡我庶士漱潤澡清遠途
發軔亮采浚明藏器於德文業匪極息焉游焉如躡如壁
厥功適駿厥宅匪究人心千祀匪詒伊礎

嘉靖三十五年知縣黃森復修伐清源觀竹木以見文峰

隆慶二年署縣通判胡文遠新文廟

萬曆十八年署縣通判諫一經復新文廟而堂亦屢修先是嘉靖四十四年推官饒仁侃隆慶四年通判程一夔萬曆五年通判張璇及二十八年知縣楊廷槐皆任其事三十年堂廟祠廡概修署教諭王世泰董之四十五年知縣林宗載鼎建正殿加崇六尺

國朝

康熙九年知縣王臨元修正殿兩廡明倫堂櫺星門訓導李生萬巡其工十二年僞兵拆毀通半十九年知縣李濱葺之四十五年知縣高登第四十七年教諭魯琰五十三年署縣祝廷芳五十五年知縣杜縕璣先後加修

乾隆三年知縣沈嘉徵同紳士鳩工鼎建自大殿及兩廡大

成門以次告成臨川李絃邑人吳從至並有記

李絃記曰山陰沈侯涖浮數載政治民和百廢具興既又以新聖學為必不可已獨是侯之為政也以潔清為本以安靜為務雖有興作徃徃民不知役今欲鼎建學宮工大費重圖維莫釋而紳士之同志若而人矢志竭誠出而交任其責各置其家之事於不問於是鳩工作庀材木若執其事若供某物集百里內外之木石以聽用經始於乾隆戊午之五月至於今已未之夏蓋踰年而事始集余適以侯之招為商訂其縣志既已縱觀史乘悉茲邑之掌故復得遊於其學仰瞻宮殿巍煥輝煌週視兩廡饜門至於俾治莫不整齊嚴肅邑士為余言曰自寸木尺石以上皆新

料其規模視舊之制皆增高廣其為工共計若干數為費共計若干緡嗚呼今而知沈侯之為吏於浮梁與浮梁之為紳士者可謂知崇聖人之道者矣聖道崇而治安得不善而俗安得不美哉予惟善學聖人之道者何適非道吏之能於其職勤撫字慎惟科為民請命以不負

朝廷之任使士之修於其身入孝友出忠信儲其德業以圖報

國家養士之恩不必待趨踰絃誦於宮牆而始稱快聖人之學學聖人之道也絃得逢其盛而旁觀色動莫不以不文辭而敬為之記沈侯諱嘉徵字懷清浙江之山陰人邑紳士樂輸之數別泐碑陰外其與有勞績者為某某等例

得並書

吳從至記曰學宮之設所以崇聖教隆道術也其神凜天載之尊其居視帝王之制其棟楹椳桷之任非大不勝其礎石陛級瓴甃之材非廣不辨厥典鉅哉若鼎建之經費浩繁無慮數十餘全工程重大動以二三年計蓋其常也此其任為其重固非勉強歲月之間而苛以求成者之所能也余浮學宮建自前朝距今三百餘稔其間當事者不無補塞罅漏之勤然要非一勞永逸之計幸際邑父母沈君滋淳最久凡所以扶植人材振興士習之舉莫不備至茲仰體

聖天子崇儒重道至意一日進諸紳士而告之曰學宮為閣邑

文教命脉攸關而棟宇傾頽湮漫不鮮其何以為一邑風
厲余欲有以新之雖守上者之責亦諸紳士之所當竭力
以襄厥事也爰偕同僚捐俸倡首諸紳士咸曰惟公不言
余衆士亦將以此為請於是邑之人士爭先列名於樂輸
之簿自是而四鄉鎮市亦莫不願輸恐後焉雖然事大物
繁非總之有人則經理無統工匠交作非督之有人則勤
惰無稽且材木之中於度者難猝辦或采於山或購於市
有驚擾之煩有險阻之限非不憚勞而習於其事者不能
為也時則有若某某任經理之勞有若某某分督工之寄
有若某某則涉水踰山勇於采木而木料畢集創始於戊
午之夏至嘉平而大成殿告竣已舉行釋菜禮矣由今已

未之某月去經始之月繞一週也戰鬥鼎建雨廡重新外
而櫺星門洋宮橋亦以次修葺畢舉吁是何向之所疑以
為難而今成之於刻日而力猶未怠者何哉余謂創事立
功惟患其無志有志而又患其志之不誠也今日者以吾
父母沈君志在作人倡之於上善政善教浹洽於人者深
吾邑之士仰前哲之流風慶當今之景運亦皆不敢萎靡
而奮然有志以上應賢父師之教澤志則同矣而以志帥
氣推而廣之以士希賢以賢希聖設誠而致行之而奉聖
人之教崇聖人之居尤其所宜首重焉者不亦宜其事觀
厥成乎余得從諸君後倍加欣躍謹記之如此以誌一時
之盛云

乾隆九年甲子正殿朽壞合邑紳士捐金修舉乙丑告成知縣李仙洲記

記曰浮之儒學久矣其大成殿積久漸朽至乾隆癸亥甲子殿幾剝落邑紳士同上舍林繼文貢生吳家邁等營度規畫鳩工起造多方勸輸為木石甃聖丹漆之費林尤朝夕督工不離學舍踰年乙丑秋仲盡得修舉丙寅又以崇聖祠僻仄欲遷於舊之明倫堂而明倫堂則闕地另建學博齋同時新構遂於丁卯夏竣工林君董厥役迄於竣事可謂勤矣余用是嘉其行誼樂為之序以壽諸石

乾隆十三年歲次戊辰仲冬月大成殿祀

至聖先師孔子位

四配

東配位

復聖顏子

述聖子思子

西配位

崇聖曾子

亞聖孟子

十二哲

東先賢閔子損

冉子雍

端木子賜

仲子由

卜子商

有子若 乾隆三年升

西先賢冉子耕

宰子予

冉子求

言子偃

顏孫子師

朱子熹康熙五十一年升東未位乾隆三年移北

康熙二十三年

御萬世師表匾額頌懸大成殿

雍正三年

御生民未有匾額頌懸學宮

乾隆二年

御與天地參匾額頌懸學宮

東廡從祀

先賢蘧子瑗雍正三年復祀

原子憲

澹臺子滅明
南宮子适

高子懼

漆雕子開

司馬子耕

商子澤

梁子鯨

冉子孺

伯子虔

冉子季

漆雕子徒父

漆雕子哆

公西子赤

任子不齊

公良子孺

公肩子定

鄒子單

罕父子黑

榮子旂

左人子郟

鄭子國

原子亢

廉子潔

叔仲子會

公西子輿如

却子箕

陳子亢

琴子張

步叔子乘

秦子非

顏子噲

以上俱唐開元中從祀

顏子何

雍正三年復祀

縣子亶

樂正子克

萬子章

周子敦願

程子顛

邵子雍

俱宋淳祐間從祀雍正三年升先賢

西廡從祀

先賢林子放

雍正三年復祀

宓子不齊

公冶子長

公皙子哀

高子柴

樊子須

巫馬子施

顏子辛

曹子卹

公孫子龍

秦子商

顏子高

壤駟子赤

石作子蜀

公夏子首

后子處

奚容子蒧

顏子祖

甸子并疆

秦子祖

縣子成

公祖子句茲

燕子伋

樂子欬

狄子黑

孔子忠

公西子蒧

顏子之僕

施子之常

左邱子明雜正三年升為先賢

申子棖以上俱唐開元中從祀

牧子皮

公都子

公孫子丑以上俱雜正三年增祀

張子載

程子頤俱宋元祐元年從祀雍正三年升為先賢

東廡從祀

先儒公羊子高

伏子勝以上唐貞觀十二年從祀

董子仲舒明洪武二十九年從祀

后子蒼明嘉靖九年從祀

杜子子春唐貞觀二十二年從祀

諸高子亮雜正三年增祀

王子通明嘉靖九年從祀

范子仲淹康熙五十年增祀

歐陽子修明嘉靖九年從祀

楊子時明宏治八年從祀

羅子從彥

李子侗俱明萬曆四十年從祀

呂子祖謙宋景定二年從祀

蔡子沈明正統三年從祀

陳子淳雜正三年增祀

魏子了翁明正統三年從祀

王子柏雜正三年增祀

趙子復雜正三年增祀

吳子澄明正統八年從祀

許子謙雜正三年增祀

胡子居仁

王子守仁俱明萬曆二十年從祀

羅子欽順雜正三年增祀

西廡從祀

先儒穀梁子赤

高堂子生

孔子安國

毛子萇以上俱唐貞觀二十二年從祀

鄭子康成

范子甯俱雜正三年從祀

韓子愈宋元豐六年從祀

胡子瑗明嘉靖九年從祀

司馬子光宋咸淳三年從祀

尹子焯雍正三年增祀

胡子安國明正統二年從祀

張子栻宋景定二年從祀

陸子九淵明嘉靖九年從祀

黃子幹雍正三年增祀

真子德秀明正統二年從祀

何子基

陳子澔

金子履祥俱雍正三年增祀

許子衡明正統中從祀

薛子瑄

陳子獻章俱明萬曆十二年從祀

蔡子清雍正三年增祀

陸子隴其雍正三年從祀乾隆元年賜諡清獻

崇聖祠舊稱啟聖祠明嘉靖二十一年知縣汪宗伊鼎建三十七年知縣蕭奇勛修嗣後無考據舊志在敬一亭右

國朝康熙二十九年知縣陳惠敏建其前為浮梁營署乾隆十

一年丙寅閩邑紳士以祠宇僻仄遷舊之明倫堂今坐落

大成殿後乾隆四十一年祠右西隅傾卸邑紳士汪玉錦

吳以尚李世耀林士綵朱世位吳啟元侯雲璠方鴻基林

中鷗等分勸樂輸修理完竣

雍正元年加封孔子五代皆為王爵改啟聖祠名崇聖祠

奉祀

肇聖王木金父公

裕聖王祁父公

詒聖王防叔公

昌聖王伯夏公

啟聖王叔梁公

四配

東配位

先賢顏氏無繇

孔氏

西配位

先賢曾氏點

孟孫氏激

東廡

先儒周輔成

程 珣

蔡元定

西廡

先儒朱松年

張

迪雍正二年增祀

尊經閣元大德元年判官李希賢即宸奎閣為尊經閣胡長孺有記

胡長孺記曰郡縣之學皆有尊經閣以藏羣經與凡訓詁注釋之書以及諸子史記文集亡慮數千萬卷少者亦數千百卷浮梁之學故有閣燬於兵縣令長與職教者往往以田廩虛為解餘二十年卒莫能復逮浮梁為州之歲判官李君實提學事明年冬始議復為閣顧持身介特不肯賦於諸生無以給工資費教授以公事去其州學正番陽董延鳳掌凡學之政教茲既得請於州之長貳各以体入致助教諭閔濟直學余士奇徐杰皆與有力又明年十二月學正干越高才來益加督勵其年閣成達魯花赤也

善拔都刺同知韓復判官張得祥數君子皆資以俸錢知為政之本也君名希賢字思齊汴人

國朝康熙初訓導伍行李生萬修葺乾隆三十年閣後墻傾圮貢生李宮蘭因住屋毗連捐賞補砌左邊夾室一頁及兩廊大門坍塌教諭周鴻勳修葺乾隆四十三年梁柱將傾教諭崔兆麟修之

明倫堂即講堂在正殿後壁東鑄卧碑西鑄學規堂左為名宦祠又左為進德齋為教諭宅為書舍右為鄉賢祠又右為修業齋後為訓導宅為書舍前為遊業門又右為觀光樓為敬一亭為崇聖祠考明倫堂明洪武八年知縣程勵建講堂兩齋宣德三年知縣曾鼎重構會稽方尚與記

畧云舊志浮梁在縣西北宋元豐中徙今地至洪武庚戌詔興學校創造以來迄今將六紀矣禮殿講堂領地憲使德安童公雷參政三山程公禧按部抵浮首謁文廟俯仰殿庭歎新其制於時邑令武陽曾公鼎請任其事暨丞陳城邱淵簿高玘幕樂奉并僉議協力首建明倫堂命匠掄材始於宣德戊申十月成於次月既望故址隘隘師儒艱於無舍適饒倅府諸公忠捐已俸質民地以廣之及己酉秣余領教茲庠而大成殿尚未新邑令曾公儲材欲建述職而去遂請判簿高公鼎新之公爰卜歲仲冬初吉經營之計食相材工精吏勤晨夜展力踰月就功

正德初明倫堂火副使許庭光重建嘉靖二十一年知縣汪

宗伊修之隆慶二年攝縣事通判胡文遠重修臨川湯顯祖有賦

賦曰邈名流於滙澤陪德鎮於巨垠匪江湖之氣急警農桑之業勤俗劬勞而憂善地偏安而樂貧鄉老提朝夕之塾遊童遵出入之倫國遊藏於經解家韞席於儒珍道山東其證聖里江西而近仁凡茲宦遊適若期契莫不欣其風土安其氣味引諸生以怡懌法講堂而蔽芾相慕用以良然有代興而靡廢若夫芝城浮梁通乎大鄣處江山之清絕入吳楚之空寰人喜儒而化鄙吏好學而明臧喜孔顏之像在觀皇路之道昌皇道昌兮孔昌熾萬歷斯兮卜年世聲明輝兮文物沸牛女精兮江海溼物有沈而淑暉

事有龐而載熱有溪有堂孰揆孰嗣我聞周侯經營其位祠亭翼翼橋閭鼓政中田有廬以教以食六月南徙物有其備我湖錢侯崇增厥制繚以墉垣飾以欄緞徒觀其四達之為勢也北起乎覆鍾之山西揖乎鳴琴之治東陔陀而折北道如帶以迤遞遠三方乎曲隅曲長風於水際兩岡相街捷以木石中有歸塘樹以荷菊延演漫汗煥炫巖窟靡收委潤於閭邇度寬梁而振掖隱玉几以橫陳拔蒼岑乎遠碧鏡晏暝而寫旭暈晡煙而吐魄風霆雲漢之所迴澗吐蘋繁之所滌白鷺飛而有容潛龍見而時惕對學海以津梁究天成其泮壁山陽兮崦嵫振衣兮下視邈靚秀於洲衢遊喧踞於闌市右為堂兮左仁歛炯敬而巨麗義

有取乎燕居鬱嘉容之所庆友仁之左徑以蔥青傑間眺
天是曰尊經靈峰在前寶積在後其朝迴溪其夕孔阜若
登山而魯小似酌海而星覆典則斯有關使是購豈禪杖
靜閣之藏迺孔林曲阜之副統一真以定尊積數份而云
富意喜此堂美好備矣四方之遊日其暨矣今夫浮梁之
茗聞於天下惟清惟馨係其採者浮梁之瓷瑩於水玉亦
係其鈞火候是足然則無清英之意者不可以及遠鮮陰
陽之力者不可以致用故夫通人學士坐進此道鑿戶牖
以為室則思其人以居之觀埏埴以為器則思其人以儀
之必且撰杖履儕衣冠診同文發更端舉聞見而歷落依
性命以盤桓珠無燧而不引鸞有叩而必還蓋將以映發

於天人之際流通乎師友之間濟濟和神便反反課規
程而測美執文句以攻堅請太極而中隱賞良知而物指
是皆擬日用於仁智轉天機於釋元等疑虛而借實鮮遺
邊而遇全體用合而理正粗妙函而事安惟遵經而正業
得在意以酬詮慨學人之多致攝堂與以良難有同聲而
響隔有殊風而意傳嘿則神而有信辨且存而勿論將樂
岸兮攻玉豈詳衆以連環或風以雲或遊以觀度極以凡
邊館而殮式飲食考庶幾亦歌舞兮笑言則必助流雅頌
之化肆廣中和之篇佇孔容而徒倚矚周道以迴旋載濯
於溪乃挹其源紫莖屏風紋紆以連菡萏始華被以秋蘭
幽香香靄清華嬋娟庶懷虛而會遠足抱素以明齟若夫

燕息橋梁之上光陰魚鳥之前見漁樵之莞爾覺士女之
悠然君子既愛其日小人亦愛其年悔聞道方不早返端
居兮景賢賦陳其志歌永其言歌曰惟芝以東是曰浮梁
龍棲鳳遊絃歌在堂廣昆學宮波陰夢陽經闕岷岷振衣
相望有源有都視其歸塘汝穀以貽好學無荒中有新田
外有長薊迺作於茲休其烈光令以慈湖訕以紫陽汝父
汝師求遊來康莫美為報崇經重道道有隆夷性無粗妙
尚有典刑惟忠惟孝雍雍者祠有槐有柳桃李蘭蓮春秋
戶牖其西崇功其東惠後侯其來臨載笑飲酒我歌不忘
貞於孔阜

國朝康熙庚戌年知縣王臨元復修四十五年知縣高登第重

建若兩齋宅舍若亭若樓多就燬壞然遺址在者待時可
興惟自訓導宅舊基達於逸業門為壞其廣乃學宮右翼
因康熙二年縣設守備衙門一時假借沒為營地以至啟
聖祠懸隔學西至二十八年合學生員呈請督學使邵公
廷齡清復批縣未結明年諸生未崑齡操其修李紹熊張
鍾畧范景會朱瑞齡復走懇於撫軍宋公學批府轉行知
縣陳德敏勘驗時橫兵肆毒崑齡幾斃老拳經縣通詳復
蒙宋撫軍飭府會同參將來勘始得去其太甚割地通路
邵學使記之而以全復故基勉後人焉

記曰欽惟我

皇上崇儒重道幸曲阜祭孔林講學歌詩豐碑紀載

詔發內帑金一新堂構又

允聖喬請為子思子建宮寢如顏曾孟氏故事於戲聖學昌明
斯文振起益莫盛於今日矣今大中丞宋公奉

命撫江右下車則整躬率屬興利祛弊嘉興十三郡更始而尤
重教化培士風頒行教條考課德業以奉承

朝廷德意於是庠序學校蔚然改觀而不圖有學宮為營房
侵踞乃見於饒郡之浮梁者營房之設固所以捍禦民社
獨奈何當日有司不慎厥初使基址犬牙於宮牆間右偏
聖殿左蔽啟聖祠凡有事於祠必做道紆迴以入祀事不
虔體統藐越師儒每以為歎延齡在會城春秋從藩臬諸
公釋奠聖廟則必先祭啟聖奉醴奉帛奉牲之事延齡實

學之當賜昨受福時心未嘗不怍怍動以為孝子之至莫
大乎尊親尊親之至莫大乎以天下養於聖人益信嗚呼
祭聖人之父而顧假道紆折以臨跛倚孰甚焉使一切狃
目前苟且之計視為固然莫之挽回則於學博為無能於
士氣為不振非盛世所宜有也諸生朱崑齡等怒然有恫
於中亟請於學博文煥曰是學宮舊址不可不復顧卒
伍聚廬已二十年屏以生事咎崑齡於是私闕力而訟端
開而營卒遂有走愬於大中丞之轅者大中丞姑以擅離
汎地杖遣之而下其事於郡守李公公河南人名昉前此
嘗佐吾浙之溫郡為政能持大體治有名迹卓然以廉吏
稱溫之人至今尸祝之既奉臺檄偕副鎮詣浮梁躬行相

度則慨然曰學博聽諸生之有辭而不之禁豈得已哉顧
事有難於驟復者乃曲為調劑俾割地橫有五尺縱二十
丈以達於啟聖祠為出入通道而實偪處此者始聽之上
其議於大中丞得報可會余以按部至饒因士民請為述
其顛末勒之石雖然余猶有厚望焉爾多士功名奮興賢
有司措置優裕為之別建營房不過數百金費將來防守
斯土者詎必戀戀於聖人之肘腋安知學基不全渡而即
其樓改為尊經閣即其室更為署舍巍然煥然以無負
天子崇儒重道之盛意不易易哉余行矣姑書此以俟後之君
子

乾隆十一年丙寅合邑議將是堂移建於修業齋舊址今坐

落大成殿右廳壁敬書

御製訓飭士子文

按堂之右與浮梁營都司署毗連挨牆有衙路一條曲折
繞都司署後計基地一片長八丈八尺內挨南邊一丈二
尺方姓業餘係學業濶七丈方德萬租賃有約又明倫堂
照墻下基地一片原係邑紳林大榮已地乾隆四十六年
其嗣君貢生中鵬遵承先志將地捐入儒學樂善好義先
後濟美允足嘉尚云計基地一片直十五丈五尺橫三丈
三尺前至戴氏青雲接武石坊後至明倫堂照墻地墻左
至節孝祠墻右至都司署墻

敬一亭在學宮右舊建中立敬一碑五歲碑今燬

泮宮坊在戟門外前為泮池環以紅牆牆外導北關外蓮荷塘水田錦繡街通泮橋環繞學宮宛如玉帶環抱康熙九年知縣王臨元築塘濬渠引水外繞與泮相映乾隆四十年冬首事戴秉中方鳴葉數榮閱日保以公費催夫挑深四尺

橋門文峰塔隆慶五年知縣龔叔賁建方祥記

記曰氣數有盈歎而極則必反者理也天地無全能而因時立政以相其不足者大人贊化之功也故曰時至而事起天運而人從浮學宮故無泮溢於地也嘉靖庚子夏六月水逆行近學室廬舍盡漂會今太常卿少泉汪公來知縣事謂學不可無泮明年以他地易民址而池其中嗣

是元魁繼美拔茅彙征大倍往昔汪公贊化之烈為多賢慶庚午士省試脫務是冬龔元初公奉簡書令浮勤恤民隱利害切於時者亟興革之三月而政舉乃進諸生語曰浮文獻甲他邑願令榜脫果氣數之乖歟抑人事之未至歟有司大事興學居首上臣効忠儲材為先其相與立文會月三試焉既數閱諸作則又曰多士之文皆利器也或者地道虧歟夫泮士出入所必由者池無橋動而過險屯之象也賢路宜闢學前通衢近為雉堞所梗嫌於面牆也金鰲對峙岡巒巖岫少奇拔萃出類之才難於特立也考諸天時庚者更也否華而泰啟也辛有新義通維新之會也汪公秉先庚以新泮池茲跨池為橋又闢茲門立錐鰲

首以補化工之不足俾文運更新而引其感於勿替者乎
定卜辛未六月捐俸治石鳩工始事越四月橋門告成文
峰卓然以起秋毫不煩民力廣文陳君閣軒與同寅霍君
孟陽丁君徽菴慶曰公之勞有裨學校大矣遂偕諸生具
輦謀勒諸石而屬祥紀其事祥不文烏足以揚厥休然公
作興至意則有可舉為多士告多士臨斯池也必法其涵
演泌澇之蘊則資之深而左右逢源矣履斯橋而出入斯
門也以禮為興以德為載以仁義為關鍵則閭閻隨時而
守貴行利矣抑以觀於文峰忠脫穎而出卓冠群倫具瞻
在望則巍然表著於穹壤間矣他日稱浮人才為盛而頌
公之德不衰斯不負公培養之深意易曰輔相天地之宜

公之謂也記曰善學者繼其志諸生其勗之公諱叔貴楚
之崇陽人元初其別號也

巽峰文塔萬歷間知縣李隆春建邑人方祥記

記曰才哲之生固應運而出然毓奇孕秀必資川嶽靈暉
之助吾邑環治皆山蒼翠壁立巒宮帶河而面震重岡疊
嶂屏列如拱建學以來雖科第輝聯會解相繼特未有冠
倫魁居臺閣者且比歲省報荒僉疑地利之有闕隆慶辛
未用霍司訓議建塔金盤說者又云堪輿家以陽璇為文
星塔宜巽非震也今年仲春予與文博雲屏袁公崆陽余
公覽勝櫺星門二公嘆曰山川環滙甚秀實宜文人叠出
惜巽峰遠隆而近巒少峻拔誠豎之塔以補地靈昌江文

運其益不振乎予曰然惟公等作興之也二公遂謀諸邑
侯李白菴公公曰某竊有志而未逮也即偕二公邀予同
往相度地宜得城南李某之業山名曰最高陟其巔圍數
十尺坦若舊築豈造物有開必先耶回顧山麓有額樓三
楹詢所自為解元計汝和讀書所宋名臣參知政事辛公
次膺故址也咸舉手相慶曰茲天啟文運之兆乎明日沈
君少溪來謁二公其以語少溪慨然身任之遂捐資飭材
始事於三月乙未再越月而塔成玉虹徐公遠來掌教事
每升堂與僚友聚觀則稱曰秀穎摩空元錐披霧旭日洗
光吐珠璣於層漢夕霞返照炫金碧於天心此文筆之生
華也頭角崢嶸雲生足下卓冠犀峰特立青霄之表宛如

正笏天庭而獨對也砥柱寰宇風雨晦冥不能搖拔萃於
穹壤間屹然為遠邇具瞻儼乎擎天之玉柱也堪輿之訛
不誣必有胸羅日星筆掃雲烟文煥珠璣氣凌霄漢者出
於其間乎將無卓犖瑰奇高邁特髦擢冠倫魁放頭角於
天衢者乎又豈無正色立朝冠冕百辟柱石廟堂為宗社
倚毗而樹邦國之偉績者乎會者試提音至發解者三僉
謂文塔相靈之驗也屬余記之予惟鍾秀助靈地之道崇
效卑法士之學普張旭隨所見皆妙於筆法故稱書聖司
馬子長文章多奇氣人謂其得於徧觀歷覽之助文塔聿
增儒林偉觀士育於斯觸象而有得安貞以立本方正以
為行洞虛上達而日進於高明以金璧珠璣助文藻以特

立卓冠助氣節以砥柱拔萃助德業則其有功學校豈惟
取捷科第已哉玉虹曰然請勒之石以勗多士以識諸君
不朽之功白菴諱際春常之武進人雲屏諱伯宗分宜人
崆陽諱希周宜春人玉虹諱大佑黃巖人少溪為邑人先
祿署良佐氏也雅性崇儒郡邑常旌其義重斯文云

國朝乾隆三十八年知縣黃泌捐俸倡首挑濬蓮荷塘并濬
類池建震巽二方塔有勸輸浚類修塔引言

見文書院
呈請後

聖學章明坊在聖學左儒學署前

文昌閣在聖學章明坊左順治間壞乾隆二年知縣沈嘉徵
重建

射圃舊在水西花園旁內東西四丈六尺外東西五丈二尺

南北二十四丈明洪武間知縣程廟闢地於學東南三百
步外東西四十八丈南北九丈三尺繚以周垣中創觀德
亭後廢今其址沒於民居

魁星閣在儒學門外左邊乾隆三十九年知縣黃泌倡建

書籍

詩經一部

書經一部

春秋一部

性理一部以上四種雍正九年奉發

文武官相見儀注二本

歐呂留良四書講義一部以上二種雍正十年奉發

上諭一副

又二本 雍正十一年奉發

學政全書一本 雍正十三年奉發

改正學政全書二本 乾隆二年奉發

十三經

二十一史 以上二種乾隆三年奉發

御製日誦四書解義一部

欽定授時通考一部

欽定明四書文一部

欽定本朝四書文一部

明史一部 以上俱乾隆六年奉發

綱鑑正史約一部

四禮初稿一部

呂子節錄一部

四禮翼一部

養正遺規一部

大學衍義輯要一部

大學衍義補輯要一部

孝經註解一部

小學纂註一部

近思錄集解一部 以上十種乾隆七年巡撫陳宏謀發

文廟樂章二本 乾隆八年奉發

部頒祭文一部

學政全書二部 以上乾隆九年奉發

御製周易折中一部

性理精義一部

欽定詩經傳說彙纂一部

書經傳說彙纂一部

春秋傳說彙纂一部 以上乾隆十一年奉發

御批資治通鑑綱目一部

御批綱目三編一部 乾隆十三年奉發

上諭二本 乾隆十六年奉發

欽定三禮義疏一部 乾隆二十四年奉發

周易述義一部

詩義折中一部

春秋直解一部 以上乾隆三十一年奉發

御製詩初集四函

御製詩二集八函

御製文初集一部 以上乾隆三十五年奉發

清漢對音二本 乾隆四十年奉發

祭器

明嘉靖十四年知縣徐璣新之其末土寇燬

國朝順治八年知縣婁維嵩置十六年又燬於寇十七年署縣

瑞州通判劉日永重造日久內有缺失

康熙十一年知縣王臨元補製令用白瓷如制完備

名宦祠在明倫堂左嘉靖三十七年知縣蕭奇勳重修名宦

鄉賢後中廢康熙十二年金安劉仲昭戴寶山諸裔重建

乾隆十一年改建

崇聖祠左現祀

唐邑令金安

唐邑令金叔彥

唐邑令金叔遲

唐邑令劉仲昭

宋縣令郭僕

宋縣令辛次膺

宋縣令徐暉

宋縣令趙汝清

宋縣令潘材

宋縣令吳泳

宋縣令劉清

宋縣丞周偉

宋儒學訓導朱旻

宋詞任尉戴寶山

明知州李庸

明縣令曾鼎

明縣令翁文魁

明縣令陸隆思

明縣令孔信

明縣令汪宗伊

明縣令蕭奇勳

明縣令李際春

明縣令周起元

明縣丞嚴尚泰

明儒學訓導萬

煒

國朝知縣王臨元

按祠內前祇有金劉李戴七位木主乾隆四十六年訓導凌汝綿易以總牌畫書芳名加入宋令辛次膺共計

二十六人

鄉賢祠在明倫堂右宋開禧間縣令趙汝清創建於縣學戟

門左祀宋程瑤程克俊辛次膺汪澈後廢

明成化三年教諭林岳復建於大成門左增祀宋彭尚書汝

礪元吳處士迂明戴布政弁吳知州惠林岳有記并贊

記曰仲尼言十室之邑必有忠信如邱者焉當時門人謂

生民以來未有盛於孔子是亘古今橫四海一人耳以聖

言觀之則舉目皆其儕輩雖自謙以誘人要非本無而故

為有也浮梁雖非通都大邦地方百里民居稠密號稱文

獻視十室邑有間矣聖賢固未敢妄擬至邑里望人若韓

子所謂鄉先生而沒可祭於社者又豈無哉况祭法有天

下通祀者有止祀一方者然則鄉祠之設果可缺歟余拜
命典教於茲踰二期恒念表揚先哲乃敦化善俗之本直
以學址窄逼莫容營創而邑志殘舛論世難憑是以因循
逮今未償夙願通詢諸生僉言吳可堂之賢縷縷不一其
隱居著書間見錄於國朝所修性理大全唐宋間人莫詳
履歷余曰昔昌黎稱楊少尹沒可祭於社止以其年滿七
十去位及能詩以刻後進耳可堂之賢踰彼遠甚以之祠
祀無疑乃於大成門左整空一椽黜堊巧飾將諏日以妥
靈餘俟後君子者增焉既有告曰日士儀戴先生新修
邑志表鉞甚嚴緘識不示匪人今欲高論必需是可因達
情於乃子廷光貳守廷珍侍御獲覩遺稿內志鄉賢祠在

文廟戟門之左奉程公以下四人宋知縣事趙汝清立今
廢嗚呼事有曠百世而相感者乎惜士儀甫之不作也聖
人言夏商禮每歎杞宋文獻之不足徵使非先生手筆於
垂暮之年傳信將來則今茲興舉安知無竊議而發策者
乎春秋之法信以傳信爰錄舊祠四公復采士論增彭史
部吳可堂戴蒙菴吳解州置牌序列榜其權曰鄉先生祠
各為贊辭一通非謂發潛闡幽庶使邑人傳誦耳傳言一
鄉友一鄉之善士邦人豪傑登斯堂者必將指其名曰某
某之祖宗也某某之親戚鄰里也風聲氣味之相感有不
因名而求實者乎有不見賢而思齊者乎景行先哲斯其
有必然者矣是雖時異勢殊風移俗變使緣此而挽什一

於千百則於名教或不小也庸書以俟

彭汝礪贊因親寄寓感夢致婚文魁多士惠及後昆見奸
蔡確得罪章惇季方罵賊身沒名存

程瑀贊龍首應兆虎頭受封十事獻納三論奸雄國恥未
雪和議是崇漫吾飽山千古高風

程克俊贊出入法從周旋藝垣詞屈金醜名動潛藩四朝
元老南渡泰山振貧薦士義舉班班

汪澈贊發軔卑官致位二府心秉公忠才兼文武經畧方
勤和議斯沮薦稿填囊古靈未數

吳迂贊理學寡儔天資莫抗吾道既南斯文未喪可堂遺
址逸民留巷德邵年高伏申之上

戴弁贊昭格天心篤生邦彥久履承明老於方面行邊教
勞彌冠知變尊位全歸百年一見

吳惠贊官歷州縣澤溥閭閻人存政舉身沒愛兼庶幾何
武枋佛張堪當代循良後人具瞻

成化五年徙於文廟右揚文懿守陳有碑文

古者自天子下凡有道德而教者沒則為先聖先師凡學
皆祠之周官樂祖祭於瞽宗戴記先賢祀於西學皆先師
之謂也若夫鄉大夫之致仕而其功德言足教者沒亦祀
之國則祀於東序禮所謂先老者是已鄉則祀於社傳所
謂鄉先生者是已夫學教民之地也東序養老之地也先
聖以下之祀得其所矣社則祀先農之地曷為祀鄉先生

於斯蓋民生惟在養而教之先農以養鄉先生以教合而
祀之明養教相須之義歟一閭塾也父師少師教民學與
里胥鄰長平民耕者皆坐焉合祀其類此乎近世自國都
以達郡縣皆有學學皆有廟以祀吾夫子豈當時群賢後
世諸大儒猶凡學皆祀先聖先師之典也惟社則廢鄉先
生之祀祀亦附於學焉人性之善也物至知誘待教而率
石之教法備矣至於祀亦莫非教夫祀不以報本始昭孝
敬也然薦祿興俯之禮行而感歎敬慕之情作有不俟言
而化此非教乎今學祀夫子賢儒教其至矣然觀法之機
惟近者切進為之序必易者先故鄉先生之祠不可廢也
饒郡浮梁縣學舊有鄉賢祠在戟門之左祀宋龍圖學士

程公瑀參政章靖程公克俊簡務辛公次膺樞密莊敏汪
公澈凡四人開禧間知縣事趙汝清之所創也廢久矣今
慈溪林君岳來典教謂他學皆有鄉賢祠而是邑未必無
賢何獨不祠問之鮮有知者久乃得西澗戴先生壽邑志
知舊祠之故遂即大成門左為一室傍曰鄉先生祠以祀
四公增宋尚書彭公汝礪元處士可堂吳公迂國朝廣東
布政戴公弁解州知州吳公惠通八人各為之贊且記其
事然祠隘甚欲別構焉未克也久之貳守古巢張君玘節
推蒲城黃君鼎行縣謁祠以隘告遂請於督學僉憲李公
齡購地命義官黃鎮督工創祠於文廟之右凡三楹始事
於成化己丑孟秋越季而成林君欲勒文於巖柱之碑以

示久也監察御史戴君珊持其書來請夫為政在人而教又政之至也自祠之廢司政教者不可以縷數孰克舉之今林君肇舉數百年之廢典而張黃成之其輔教導俗之意盛哉皆加於人一等矣所謂在人者非耶為書以勵後之人繼增祀宋處士朱宏戴恭簡珣有記

記曰人之所存所發舉有可師焉而其鄉之子弟尊稱為先生比設祠而祀之此蓋明倫敦化之一道也凡服政教知先務者曾是以為卑近而忽之哉饒州府屬縣浮梁故有鄉賢祠宋閣禧中趙令汝清建祀其本朝泰知政事程公克俊辛公次膺樞密使汪公澈尚書程公瑀人亡政息廢蓋久矣我國朝至成化紀元之三年儒學教諭慈溪林

君岳來任而事闡風教者乃其所急廷訪輿論得程辛汪四公暨高書彭公汝礪元逸士吳公迂國朝左布政使戴公弁知州吳公惠凡八人妥其神主於文廟戟門之左室扁曰鄉先生祠率諸學生歲時禮謁而師事之既而藩臬大吏行部謁廟及祠咸以隘病檄遷學之右隅顛末具母尤府同知瓌太子洗馬今贈尚書楊公守陳記越年十有七按察副使馮君蘭督學涖縣首訪政教廢缺諸師生進曰宋有朱先生宏字元禮縣北長安都之滄溪人蚤從國子司業計公衡游穎敏過人日記數千言即通大義比長遷於聖賢性命之學尤嚴異端之防奕世同居子姓僅百人朝夕會揖州望會拜旬日環立聽講經傳以為常一時

聞擊知所信從者衆晦菴朱夫子以克己名其宴生之堂後雙峰鏡氏有吾道老成理明一貫之贊且曰克己信道篤崇禮嚴其浮梁之滅明也瞻監察御史西澗戴公序字士儀教授事時修輯縣志不苟異同先生與前八公並得立傳在祠祀獨未預誠為缺典之當舉者馮君迺召見先生九世孫敬中并閱禮編迴瀾諸著作廉得其故實命有司增序其神主於吳逸士之上合而祀之又三年冊以布政使進副都御史便道歸展教諭謝君輩借教中未請記儒士節學生佐皆先生族冊常所交往者力相之諾而未克成節又介吾族學生戡走書京師促之再竊推所貴乎人者立德立功立言存諸中而為德德立矣發諸事而

為明偉之功發諸口而為純正之言功與言立矣必如是而後足範來學無愧於古之所謂鄉先生沒而可祭於社者吾浮梁山川秀異人物攸鍾如彭程諸公以至我世父布政公明体遠用之學光前啟後之功尚矣克己先生之在當時不沾一命老而就斃其明善以誠身以刑家率由孔子之道諸著作又鑿鑿羽翼是道之說凡我鄉邦小子若出與處被服感化至於今不衰則夫先生功德言之立揆之八公異途而同歸者矧晦菴雙峰道學山斗咸見推重耶增祀於祠固有以取之矣於戲孔子之道大未易鑽仰求自鄉先生始斯得行遠升高之要若馮林諸君毅然倡和以成美厥典誠知所先後歟繼今自取與取人者尚

並鑒之

嘉靖三十七年知縣蕭奇勳修

國朝康熙七年李鮑喬倡諸賢喬重修現祀

宋龍圖閣學士程瑤

宋吏部尚書彭汝礪

宋戶部侍郎李椿年

宋叅知政事程克俊

宋吏部尚書朱貔孫

宋瀘州通判金從龍

宋蘄春令甯時鳳

宋處士金去偽

宋處士朱宏

元處士吳迂

明廣東布政使戴弁

明鮮州知州吳惠

明大理寺評士戴璉

明廣西叅政戴琥

明左都御史戴珊

明廣西布政使程廷洪

明御史范珩

明御史操安

明御史盧瓊

明處士潘 葵

明按察使曹天祐

明浙江布政使汪 柏

明處士李 曉

明嚴州府教授閔文振

明揭陽知縣陳時霖

明舉人徐時豫

明興化知府李大欽

明太僕寺少卿陳大綬

明太僕寺卿黃龍光

明右都御史朱一桂

明四川副使侯之翰

明進士李思謨

明惠州府推官鮑文宏

按祠舊在明倫堂右乾隆十一年改建

忠義孝弟祠在儒學左

國朝雍正年間奉文建現祀

宋忠臣瀘州知州金從龍

宋進士樞密院叅知政事程克俊

宋忠臣巴陵縣知縣李 轍

宋忠臣龍圖閣學士程 瑀

宋忠臣刑部侍郎忠靖公李邁龍

明忠臣追封忠烈侯張子明

明進士廣西布政使程廷珙

明忠臣山西平順縣知縣徐明揚

明義士方志權里仁都人

明義士王 昌北隅人

明義士吳仁宗里仁都人

明義士朱榮祖長安都人

明義士李思文長安都人

明義士彭宗孫北隅人

明義士黃鐵關西隅人

明義士范恩禮西隅人

明義士劉丕顯長鄉都人

明義士葉天倫長鄉都人

明義士史隆升長鄉都人

明義士俞憲清下連都人

明義士程尹生辛合都人

明義士蔣思明錦義都人

明義士汪克敬長安都人

明義士王汝寧北隅人

明孝子洪信文

右上所祀義士計一十六人查舊志尚義傳內不無遺

漏如李叔珍季士遜黎成澧戴璠為合邑田賦抵京抗

疏金宗舜捐賞建京師會館李原魁金巖振捐賑穀千石鄧京惠捐穀二千石例得入主應補祀
節孝祠在儒學門外左邊

國朝雍正年間奉文建立後因方位不宜乾隆三十三年九月
契買吳姓屋一重坐落明倫堂下左邊現祀

元節婦洪廷芳之妻蔣氏

元烈女曹貴四之女

明節婦黃泰亨之妻張氏閩諱芹芳

明節婦盛自貴之妻臧氏

明節婦盛遂叔之妻吳氏閩諱柔貞

明節婦鄭敬成之妻王氏閩諱守貞

明節婦金添麟之妻鄭氏閩諱仙娘

明節婦范偉之妻黃氏

明節婦方導忠之妻徐氏

明節婦陳斯南之妻汪氏

明節婦洪振德之妻陳氏

明節婦鄧謙之妻戴氏

明節婦閔鳳之妻孫氏

明節婦查良之妻吳氏媳程氏

明節婦王驩之妻張氏

明北鄉孝女

明節婦金玉珙之妻張氏閩諱翠玉

明節婦程珉之妻詹氏閨諱娟貞
明烈女張啟明之女桂秀

明節婦吳錦之妻陳氏閨諱滿貞

明節女李素之妻徐氏閨諱蔭若

明節婦洪樹之妻汪氏閨諱湘貞

明節婦詹晉之妻李氏

明節婦金傳之妻李氏

明節婦金朝之妻朱氏

明節婦查汝震之妻萬氏

明節婦曹國仕之妻朱氏閨諱味蘭

明節婦汪溥之妻蘇氏媳夏氏

明節婦余滋之妻張氏閨諱芝容

明節婦朱魯卿之妻張氏閨諱輝英

明節婦曹天常之妻江氏閨諱鼎貞

明節婦曹守儒之妻汪氏閨諱仲玉

明節婦陳懋志之妻李氏

明節婦馮亢五之妻甯氏閨諱仲香

明節婦計禮之妻甯氏閨諱鼎玉

明節女包塾之女包氏

明節婦黃家棟之妻金氏閨諱蘭玉

明節婦曹有勅之妻吳氏

明節婦汪應蓮之妻程氏

明節婦方廷球之妻曹氏

明節婦金禮之妻范氏閨諱來弟

明節婦汪榮祖之妻程氏閨諱瑞娘

明節婦汪通陽之妻程氏閨諱德仙

明節婦陳可則之妻汪氏閨諱秀蘭

明節婦王捷之妻黃氏

國朝節婦鄭日燦之妻陳氏

節婦程登元之妻康氏閨諱瑞英

節婦陳尚萃之妻汪氏

節婦葉乞之妻金氏

節婦汪應繡之妻計氏

節婦劉成之妻張氏邱氏

節婦鄭有位之妻張氏

學產

學田地山塘明萬歷三十一年知縣周起元市常尚長安
城門等都田五十畝錢督學道檳市豐田都田一十二畝
三十三年起元又續市田若干畝崇正七年邑人李日修
輸銀壹百兩市益元都田貳拾伍畝今見存城門都方家
塢乾邱同處橋上二共田二坵長安都畢家塢朱家大坵
棟林坂茶培塢口水積坑口同處坑口六共田七坵下義
合都倉塢魏家壠石門塢桐梓山莫窖坵四共田一十一
坵計科七畝四分又油麻灣雪家坡二共田二坵外魏家
塢未清出田九坵豐田都李王碑大眼坵蠟爬坵鮎魚坵
李兒塢井邊畢家塢樟樹下瓦窰坵八共田二十五坵計

科一十三畝三分益源都大山塢塢里竹灣里汪樹下三
共田一十九丘計科一十六畝上長源都赤牛山和公山
灣坵汪塢嶺四共田一十四丘計科九畝七分又石山嶺
小溪塢柳查塢曲尺里三共田一十七丘計科一十畝三
分新安都壽溪塢大嶺下大嶺塢口柿樹下方坵七畝里
吳家山下水碓下老山脚下茶塢里馬鞍坵石灰塢一十
一共田二十六丘計科一十六畝二分又麻園里倉基地
一片鰲下水碓地二片上西部都大坦上瓷坡圳口二共
田八丘計科一畝一分九釐一毫二系七忽七微樵溪都
水南關黃芝坑寺灣里二共田二丘計科一畝三分又寺
灣里山東山一號石灰嶺山一號山麓地九片觀音寺某

地三片里仁都葉家塢彭家塢竹家橋頭三共田五丘計
科七畝五分又王家壠背脊墜田三丘計科一畝三里都
石鼓大嶺槎山一號西源塢雞籠尖山一號歲納租銀一
兩以上見在所管其田數視從前原額不數則多歸侵占
矣應俟清復再蓮荷塘自明嘉靖三十七年知縣蕭奇勳
市歸儒學為學塘記詳山川志見歲納租銀八兩康熙五
十五年知縣杜蘊璣奉韓郡守奕批西里都古港里洲地
并樹歸學為業雍正三年教諭汪鑑淑價買吳文奇學門
左基地東李祠塢西塢南路北元元觀塢十三年知縣沈
嘉徵查出湖田都楊林洲河心夾洲地並沿河洲地著程
李二姓開墾計畝納租并樹歸學克公又夾洲水碓歲納

租銀一兩五錢乾隆元年據生員程太文等具呈清出景德鎮里仁都馬侯祠地租銀十八兩四年教諭蔡繼祖勸諭馮鍾吳家政公輸杭溪都劉家嶺下田一畝又乾隆三年方寶成借砌崇聖祠右餘地後墻脚附載備考

乾隆十七年甯中方天錫林士纘將前任教諭汪鑑淑原買吳文奇學門左基地對得西隅姚大欽樵溪都凌家塢口上田二畝一坵計租二十二秤又周家塢中田一畝八分九釐計租十八秤共租四十秤每年交學租四秤餘交齋長為檢蓋殿廡等處之資現佃人何老大

乾隆廿二年三月貢生廖魁時翰常尚都倉塢等處田租一十六秤其錢糧漕米在廖讓讓戶內照上田例收入儒

學戶記

乾隆四十年方德萬租啟聖祠舊址地及舊址墻外地共成一片為園東至都閭花園墻脚西至本家照墻南至大路北至都閭署墻脚自西至東直八丈八尺地內南邊少地一丈二尺係方姓已地餘俱學業橫七丈每年納租銀一兩租約存房

官地租銀康熙四十年景德鎮官地租銀因兵房曹維鳳控同布舖侵欺閩學生員朱崑齡金之英李紹熊方續租汪鈞方應聰操定新等以蠹棍控侵上控本府李審斷行縣據浮梁縣朱崑齡等呈控景德鎮官地租銀舊例准作科歲兩試賞格今蠹役曹維鳳私兜布店朱子超重賄擅

減成規霸勒地租等情隨經示審查鄧家嶺租銀無幾有例給為士子賞格在朱子超等又因承值軍廳旗傘具稟前令批給租銀以償一項兩撥以致告爭今查賃租捐為賞格正以鼓舞英才至布店備給旗傘似屬著令承應當行更為厲民令行禁革飭遵嗣後鄧家嶺租銀永為考試賞格其應備軍廳旗傘該縣捐辦不得仍勒朱子超等承應勒石載志在案又四十七年復因侵欺賞格閱學生員金之英方應聰戴諱生李紹熊鄒華祚方績祖程廷顯方錦馮文瀾方震亨洪之梁錢廷游李可久朱希太鮑孔詔等以循例實陳上呈督學使楊公顯內稱浮邑原有崇奉賢侯生祠基地坐落景德鎮鄧家嶺等處共租銀十三兩

八錢每歲科兩試備辦花紅賞格載志勒石遵行無異前縣高令聽役侵欺邇來科歲僅發一半將循行成例半飽奸胥培育成心徒為故事幸除憲臺雅意作人用敢循例具陳懇賜批飭悉遵志書碑記所載照舊給發再行勒石以杜侵漁等情奉批仰浮梁縣查舊例遵行毋令胥役中飽也遵批勒石載志在案租銀數目并附計鄧家嶺地租銀八兩老人倉地租銀一兩六錢彭家衝地租銀四錢公館領地租銀一兩余公祠地租銀八錢向公祠地租銀五錢傅公祠地租銀一兩五錢

書院

雙溪書院在北湖右宋淳祐間邑人趙源置進士莊元至元十

七年其孫鎮遠以科舉未行莊無所歸請於按察副使粵
屯希魯以莊置書院建堂雙溪上額曰雙溪書院有禮殿
敬簡堂十二齋聘故宋進士趙介如為山長二十七年寇
焚二十九年廉訪使姚燾行部至縣委王學古黃士俊為
山長就北湖趙氏別業改創鎮遠又割已地完之書院仍
舊名有燕居祠人文堂四齋別立祠祀朱子金卓臆饒雙
峰以源父子侑廬陵劉辰翁及介如並有記明初燬萬歷
三十三年知縣周起元按志清復南以橋為界北以後樂
高風二亭為界東以塘西以田為界天啟五年魏忠賢毀
天下書院遂變償解部其地今俱屬民產

劉辰翁記曰古心江公門人番易趙伴介如以書介廬陵

為雙溪長者曹質抵余曰介如之事先生也後而亦老矣
長雙溪再矣浮梁故未有書院也自察使粵屯公希魯來
士以進士莊建書院既成而復燬明年廉使姚公燾至改
為之介如有別業在北湖胥十之吉遷焉明年二月工成
十月釋菜燕居辟容皆公正如孔林舊右堂左齋序兩廡
祠先賢傍築仰高奉先君廬自公暨鄉先老回翔高下如
鑑湖南築沂上春風亭冠衣浩然於上聚而謀曰芝山之
上同門後死我無他人其屬之廬陵乎吾子有意於番也
則願以壬辰改創之記請余惕焉念之而未有復也或曰
有其舉之廢興之故未有若此其速歟問邑無學乎余曰
不然無行而下與二三子者燕居之謂故曰天何言哉千

年學校而入於科舉以爭前取名備州縣朔望而已吾夫子設教不在辟雍泮水而在香壇之上庶幾者其書院乎自古心公長鸞洲吾鄉達於禮每於退深衣行水竹間撫諸生優游廣胖不知氣變而質化其後至倉州規制如鸞洲而闕里三重外勝內美嚴威儼恪非所以事親也故書院之事夫子如事生愚嘗謂燕居之次斯道統系所在而聖門鑄人博約淺深惟顏子可考四非四勿是并心思耳目納之鐘錘之中使人恍然而識其為體變鄭為韶又并古今帝王而復之樽俎之頃使人確然而識其為用退省其私見其未止則候之者復其步而知耳不遠不貳顏子不自知也若無若虛顏子不自知也亦候之者知之耳仰

高鑽堅前日之顏子有所用其力也未嘗違也而亦以為違其如愚者可識矣夫子不可學惟學顏子未嘗言也顏子之學正在於不言夫子蓋時特言之諸生過堂下其亦思夫子之所稱可者多於其間不言者則其用心與力之次第豈不可證可信而可希乎抑顏子聖門之禹稷也簞瓢屢空非足以為顏子及其為禹稷也志常在此而不在彼也斯堂美奐侖庠繼粟肉其又思夫昔之陋巷者終其身而不可得則諸公所謂汲汲皇皇一仆一起者豈不可以興懷而屢歎者乎其視為學校之常者乎幾道典型壽為其同列皆江東人望余所敬者意者亦非學校所能淹也余也承幾道之命復以所聞於先生者為后之顏子

誦之若祀諸老則非禮也曹質吾同舍甲戌長驚洲質有家法且言書院再造樹於王尉存古保定人彊志敏事飯風雨塵土笠集而日往學焉亦可嘉已二使皆北方學者粵屯公政績著前記她為雪齋公猶子其聲名文雅又余所自知云

趙介如記曰書院不趨城闕而於山林不事科舉而專義理之學先賢遺規也大元混一車書興崇學校部使者所至非循舊規以增廣則出新意以開設於番則雙溪其始事也至元十七年庚辰秋按察副使竹卷粵屯公希魯行部未浮士子無所依歸請立書院養士儲才公從之買宅於雙溪之上以名堂以介如嘗聞父師之教爰命為長興

朋友講習繼有前進士胡雲龍日與聯事經紀苟完越十年庚寅秋寇至邑焚延及書院惟孔顏二像猶存明年辛卯冬廉訪僉事竹居姚公燉循行屬邑登臨故址慨然曰此竹巷公遺蹟也遂命少府燕山王君存古董其事俾介如同山長胡雲龍教諭程之瑞講質朱以清副之且捐金示倡少府君初擬遷城南未果壬辰春講質方希源謂介如曰吾邦山水之勝莫北湖若此趙闢也近可舍乎明發以告少府公偕往觀馬岡巒逶迤得孔阜之脉湖溪掩映有麗澤之象公曰真山川秘藏以待今需子毋靳其與賢者共之介如不復即日狀聞分司消吉以今月戊申闢基甲申建柱先是掌計方可紹尚志議買李氏空廬亟徹以

來革其故而新之希源可紹終始克贊厥成湖山一曲盡
在庭戶燕居申甲厥面孔陽雨廡祀濂溪而下諸先賢左
堂右齋築仰高堂奉先公蘆窗翁暨鄉先諸老中敞小軒
軒外作學古堂夏五月使軺再至締觀新美十月三日乃
題書院舊額更講堂曰人文四齋曰志道據德居仁由義
軒曰北軒望日釋菜聞講相與賦詩落成以山行崎嶇命
辟瀕湖舊徑蔣松種柳復作橋梁以達於衢矜佩來遊履
道坦坦山之南有汪氏故亭址王君捐貲得之以隸書院
莊敬孫惟正輸其已分以完之更築三間扁沂上春風士
自今展敬有地講道有堂又得斯堂為遊息之所以嘉惠
多士者毫髮無遺憾矣士其容不思進德修業行義達道

仰稱教育之感心乎

西河講堂在鎮市昌而志云光祿沈良佐創建陳子持文衡講

學吳宗吉有記

記曰國有成均天子主之司成教之天下有庠序郡縣有
司主之廣文教之然自朝廷至於郡縣學宮一建學官數
設而已若使天下多學之地多教之人則英才輩出
詩書之澤無往不然不亦俗淳而化洽歟誰為為之以佐
王治於休隆也則書院講堂之建是在賢人君子矣江右
書院考之志棗固多而鹿洞鷺湖為朱陸講學之所故天
下莫不知二郡之所以為學莫不知二子之所以為教出
於此者能究聖人之業能得性理之宗能處貧富而志不

亂能履順逆而識不迷故達為名臣居為賢士藉學之無
其地教之無其人良才而苦於無所資質美而困於無所
發能達成風敦龐以滿天子之化不施而有司勞矣予里
光祿沈少溪先生慮乎此也於西河之上創為講堂構房
廡數十間序廩儲穀歲得數百石延知名之士待來學之
人飯田丁以備薪汲開蔬圃以應饗殫地有平疇百頃峻
壁千尋長林幽澗映帶四野講貫有友遊息有基夫以致
政之餘猶體國家之意成就後來之俊秀其志愈遠矣將
見講堂所育之才應公卿大夫之求講堂所明之學皆濂
洛關閩之理僻壤悉為學之地田間之子弟悉為學之人
誠西河講堂之澤之宏而贊天子有司之隆治於無盡者

也

格物堂在桃豎明萬歷間里人建注自如講學處今廢址存

兩河書院在城門都明萬歷四十五年邑人陳大綬等共建巡

按陳于廷名其堂曰求斯閣曰喟然吉水鄒元標有記

記曰豫章故稱東而鄒魯宅無論即鄒陽餘干如胡張二

先生在聖門亦在顏閔列以故流風餘韻代有名儒據予

聞知則有惺堂史公見知則有同年安吾嚴公史公楊厲

一生為時師表而嚴則繩檢恂恂澹約自守晚而又聞賜

谷李君中道而修學學興起一郡人信之夫學而徵之鄉

如縣明鏡物無遁情學豈易言哉諸君子後吾得之陳督

學長卿督學特立一意而令而郎而學政皆以孤身亭亭

物表作人間楷模一旦以雙親年高致其事歸侍兩尊人暇則以維風倡學為事一日過予曰邑北鄉界去治二百里而風俗人文綽有古風先是有朱公宏者朱晦翁畏友晦翁以克己名其堂公踐履篤實故風之所移一鄉人至今斷斷如歲必有會或於祠於古剎不無作輟僉議釀金構館於兩河間家大人某捐租以資會費蓋二水交流諸來止者為中道者主而議成道旁幸亨萬林公力成之直指毘陵陳公以求斯顏其堂喟然顏其閣而太守吳公以退省名閣之堂歲時集縉紳孝廉父老子弟講說六論外恭訂學脉維持風紀歌詠盈野洋洋感矣督學委予記予惟直指以求斯名堂又以喟然名閣其啟斯道關鑰者

深且切矣夫斯最難言以漆雕開尚未能信蓋信非虛語也今古能信者幾人自唐虞精一之傳幾至絕響賴洙泗一脉直接唐虞至宋諸儒而續闡繹之我朝諸儒又一大顯今登堂者問之人人必曰能信惟深知者退而自省語信一閣未有不汗流浹背信者信何事求信者求何事外馳者非家寶內護者多意障而斯之旨荒矣忘己忘人忘物忘我天地萬物皆吾一體始足與信點對夫子之問童冠沂雩之樂春風習習蕩人胸次夫子喟然之歎千古傳心只此喟然故曰漆雕開曾點已見大意雖然必有小心翼翼之功而後能人明儒曰若無戰兢惕厲功夫驟語會熟見地是寤言也敢以是請正諸君子發明堂與閣意水

之流行於江河也猶必滙於斯間一文明區宇夫天下事未有不合而能成者日月合而成璧天地合而萬物通友朋交而其志同朝於斯夕於斯觀水則知學知學則知所以求友斯地代有賢喆為世砥柱諸使君之志不孤矣無令人歎曰魯無君子者斯馬取斯昔文中子設教河汾子夏教西河千載資之為教父長卿以兩河為樂育地勉旃子將以一葦聽伐木車矣

新田書院在新田都宋紹興間侍郎李椿年建嘉定間李大有率鄉人共新之有大成殿及堂廡齋舍置義田數百畝教族子弟迨李德俊等為師後廢其地今尚曰義學塢

長鄉書院在景瀆鎮宋慶元三年監鎮李齊愈請於郡建元元

貞二年山長凌子秀朱繼會請於江東宣尉使嵇厚以舊基新之厚有記

記曰有宋慶元之初浮梁之鎮市長鄉書院先監務李韓

思所建者也歷時既久今山長鍾臨

據舊志當作陵子秀直學朱繼

曾率士新之驅車十里願記其事於予天子愛育人才

儲之非一朝一夕之間訓之非一郡一邑之地所以坐廟

堂而論天下事者皆真儒列庶官而司牧黎民者皆端士

此治效比隆於三代而大化之成矣然古今治亂相尋聖

賢之道忽晦而忽明師儒之業有通而有塞其故何耶原

於不能多方造就之而作之之術未宏也往者隋唐之際嘗建學於州縣置學官生員速慶曆之間詔郡國立學即

五季之亂極矣而文宣王廟祀不廢自我元受命以來學校之設遍於郡邑然人知學宮為重而不知書院與學宮相表裏尤為人才之本也學有專官論其秀者為博士弟子惟本州之人士肄業於斯吉山鄉射賓燕之時惟本學之人士行禮於斯若書院則不然即鄉塾之髦士皆得進而問業焉鄰州遠邑之學者皆得聚而考道焉且天下學宮者在成憲若書院惟大賢得以建制惟名儒得以主持非其人不能創創亦不能久焉故學宮與書院有國者之所並重而不能軒輊者也人未嘗無美質未嘗非良才但患祿位富厚之態濟於中或饑寒窮愁之故累於外致利其初性而汨其天理遂使一時政治追漢唐盛時不可得

况欲進此而上哉倘廣厲之澤遍而長養成就之計深凡為子弟者以身不出於選舉俊造之途為可耻為之父師者以吾之誨迪之勤非本於詩書禮樂之間為可懼則從此而登於禹湯文武之隆不猶騁六驥於康衢也哉藉漸摩無術振作無由上欲求士於鄉不足當弓旌來貢之典欲居之於位尚令人主有借才異代之思嗟乎菁莪棫樸之風未嘗不存何可不廣為人才地乎予列職江東佐上興起文治為務嘗恐泰居大任為所學羞令長鄉書院之立堂廡齋舍使俾煥然誠繼李君之功遠也予聞大江以右書院為盛予記之亦望嘗為天下愛育人才之區而為天下之所宗仰也歟

歐陽元至書院語學者詩聖朝無地非無教院在長鄉業已專須慎言行遙聚日尤泰理欲獨修前花香鳥語山千塢月霽風光水一川暫駐星軺語多士學成芸閣自求賢劉儉書院懷古詩川轉峰巒繞當年誦讀鄉惟知依典籍不敢遠宮牆茂草封前蹟荒藤夾舊疆書聲遠隱約飛鳥下斜陽

延祐間浦江吳萊著山長泰定二年進士方回請於纒管段廷珪以訓導職履直學閩濟重修明洪武初舉朱伯高為山長張京伯為直學四年以徐遜赴省主試薦朱伯高為府學教授書院遂廢

昌江書院

書院在縣治東舊為義學久廢

國朝雍正年間知縣張景倉始俸民舍延師以課士雍正六年知縣沈嘉徵蒞任急圖興學為政錯地初亦假城中別業以居生徒乾隆元年捐俸銀一百二十金協謀紳士各行獨助即舊址建屋三層額以昌江書院自為記勒石

沈嘉徵記曰恭逢我

聖天子石文崇學凡省會之區諭令督撫各立學舍擇文行素優者為字教訓迪通省士子資以膏火誠千古之曠典而百爾有司其敢不欽遵

聖諭龜勉以從者乎余自戊申樂邑奉調至浮初蒞之日即延師訓迪特治東向置學舍近存基址余心欲建而力未逮

也歷年皆假紳士別業為學舍丙辰冬余捐俸首倡諸紳士踴躍爭先因舊址而修建之前則大門三間中則正舍左右旁舍各三間後則正舍左右旁舍亦如之他若厠廁有所一切需用器具畢備不數月而告成今乃生徒衆多朝夕誦讀之聲不輟每闋課藝竿頭時進余心差慰而竊有慮焉向日治東學舍始置之者亦不知幾費經營矣至此而僅存基址倘後之視今亦猶今之視昔揆之始置者之心其能慰歟余惟期夫人文日盛增益擴充俾學舍垂之永久而勿皆底足慰余之心矣當俟後之君子爰立碑勒石以為記落成賦詩四章古越沈嘉徵撰并捐銀一百二十兩時乾隆二年歲次丁巳十二月合邑紳士耆民各

捐銀兩同列碑內

沈嘉徵詩德教故看四海敷靈庠衍序編生徒曾聞十室有忠信收道山城學者無其一昌水陽山毓地靈草茅千古有窮經當年板築求良弼矜看圖來夢裏形其二立賢

盛代本無方掄秀書升分所當最是家修宜切處士先品行後文章其三風塵俗吏媿無文政暇猶能董率勤惟願戶皆敷定學絃誦原不在聲聞其四

按沈令宰淳一十三年興利去害百廢具舉於書院尤加意培植然終若膏火無資嗣任者或作或輟至四明黃令來蒞斯土規模始定於沈令實先後相望云

乾隆二十八年正月合邑紳士洪學煜朱孔陽吳啓元侯爾

任詹而化朱仁姚循良鮑兆煌李登臺鮑士重吳篤生戴秉中閔日保葉大中等為懇詳復舊以宏作養事緣浮邑水南渡大石口西岸山阜此立為縣水口明萬曆三十六年邑侯錢中選建塔河干置庵以祠文昌原為邑之社學眾姓輸存田畝載在石碑志乘可據嗣年久學廢招僧住持詎今奸僧戒明徵餘胆敢將文昌字跡改為慈仁禪林毀去錢公神主石碑私售田產閩邑共憤竊文昌庵原屬社學眾輸田產本屬學費現在邑內昌江書院蒙恩捐康延師尚無膏火懇將該庵田產盡撥書院俾僧人無所覲覲而士子均沐栽培呈請核奪旋經

前令黃繩先審更通詳各憲批准在案隨查庵內產簿糧冊

現在田一百三十四畝三分地七片八畝庄屋二重當將庵田撥出一百畝歸入書院以充膏火其餘三十四畝三分及地七片八畝庄屋二重仍歸庵管另招僧住其奉撥田糧立昌江書院戶納前令黃繩先有記

記曰書院所以廣育人才之地有其舉之莫或廢也然使膏腴無資終難托道腴可味以永之抑或有所入矣而經久無制則善於始者未必不壞於繼是書院徒有其名而教育卒無其實也昌江書院自吾鄉山陰沈君來宰是邦與邑紳士謀始於前而規畫未備後之蒞斯土者或作或輟誠以養無所藉故教亦難行如此而欲望人才之有成也不亦難哉余下車之始即解俸延師邑人士咸踴躍樂

就陶成念此事終難以繼適浮舊有社學田隸入文昌庵為前明邑宰錢君中選創應遣兵燹僧遂認主於邑紳之家近復利其所有私相購售會紳士首發之清查其業得田一百三十餘畝山地竹木若干詳請撥田百畝歸入書院以復社學舊制又赤嶺廟下官洲一十八畝四分墾藝之併詳請收入俾後此師儒膳膏有出而講肄不輟也因定為章程擇紳士以董其出納聘名宿不越乎桑梓蓋掌於官不若司於民之便也求諸遠不若求諸近之宜也求修之谷量入以為用也獎賞之資若干薄與以示勸也至若牆屋修葺木石所需一取諸此不以公累私也歲入或有贏餘則儲以比三年之蓄備急於豫也此余所以力為

浮之書院謀經久者也自茲以往邑之人士相與鼓舞振興而教者學者毋濫等無獵名篤學力行以希聖賢將不獨科名之盛甲於一時而醇儒亦輩出矣是則余之厚望也夫

皆

乾隆二十九年歲次甲申四明黃繩先撰

詳請文昌庵撥入昌江書院田地等項土名坵畝租數開後

西隅城下獨畝里早田一畝一坵 雷寶鳴晚田四畝二坵

同處晚田三畝二坵 角上早田一畝五分二坵 井

隴裏小心隴早田一畝一坵 袁家隴早田一畝二分四

坵 打杆陽早田一畝二分五坵 程家阪早田七分一
坵 龍缸坵早田一畝八分一坵 葉磨坵早田二畝三
分一坵 楊家門前早田七分一坵 塘坵早田一畝八
分一坵 七分里早田七分一坵 墳冢裏早田一畝一
坵 操家阪早田三畝六分四坵 水桶樹下晚田二畝
七分一坵 井坵扁担坵褲襠坵葫蘆坵晚田三畝四坵
長坵早田三畝一坵 囊坵早田三畝一坵 三分裏
七分裏九分裏早田一畝九分三坵 橋頭早田四畝二
分四坵 水碓坵晚田二畝四分三坵 馬欄陽口晚田
一畝五分二坵 石塆下晚田一畝一坵 黃泥坵早田
二畝七分三坵 楊樹阮早晚田共四畝東邊三坵西邊

五坵 烏龜墩早田二畝四分四坵 大石口葉家山早
田二畝四分五坵 隴田里早田三畝內李姓合一畝二
坵 井塆下晚田三畝內李姓合一畝四坵 隴田里早
田二畝一坵 何家陽早田一畝七分一坵 何家陽早
田二分一坵 何家陽晚田三畝二坵 何家塢晚田二
畝二坵 爛泥坵晚田三畝四坵 馬家陽晚田三畝三
坵 彭家嘴早田一畝五分一坵 彭家嘴晚田一畝六
分一坵 阮塆上早田一畝一坵 樟樹嶺早田一畝五
分一坵 牌樓下早田三分一坵 八分里早田八分一
坵 北山下晚田一畝四分一坵 上陽晚田二畝七分
一坵 巴家陽早田一畝一坵 巴家陽晚田二畝一坵

巴家馮晚田二畝一坵 巴家馮口晚田二畝二坵
洋湖陂塘里晚田二畝六分四坵 閔家林早田一畝一坵

以上共田一百畝收谷九十九石二斗

赤嶺廟脚新墾田畝開後

六畝一分 吳萬選佃 郁章佃 五畝三分 程玉成觀壽佃

七畝

以上共田十八畝收谷九石二斗

畢家馮溝外之山佃李孟楠掌管樹木日後拚伐佃合七分
書院合三分又北邊山脚地一畝四分六釐共十三畝
銀阮馮山自湖田都至牛角嶺直抵樂平縣界計十餘里山

租二十六戶分佃

馮鞍山匠厰基地共計三十間租戶開後

程友如十一間 吳正文三間 胡廷一四間

余成茂五間 童光右三間 馮廷也一間

江君浪三間

此二項不在文昌庵奉撥之內租銀亦無定額

以上奉撥文昌庵田地山等所入租谷銀兩歲支館穀
并納租外其餘為獎賞修葺之費俱係本邑紳士首事
經營年終報銷

按官租歲入甚不敷用邑人葉廷裕有勸捐膏火引言

曰

國家人才之盛在於教育功深都邑義學之崇恃乎創修念
切淳梁舊有社學歷久廢湮及乎雍正年間山陰沈侯蒞
任首遵

功令倡始舉行謀及搢紳偕我人士卜吉筮日鳩工庀材為
門興堂建廡及舍延請名宿訓課生童於時設帳者新發
於硯負笈者一鼓作氣書聲徹夜不間暑雨祁寒筆陣驚
人擣盡春華秋實歲科兩試半奪前茅鄉會三場頻闡入
彀爭奈硯田已墾煮字終難療饑道味雖腴薪水亦常常
給縱長吏矜言造就而勸課故事徒存角藝衡文名有書
院始勤終怠實鮮陶成也今

邑侯四明黃公以名進士來宰是土下車伊始即解清俸以

延師為政心閒親加評隲而勸士復令浚洋修塔濬塘疏
坑振奮人文修復舊制督課匪伊朝夕規畫備極辛勤又
念膏火無資即囊螢映雪終是權宜之計而膳餼靡藉縱
舍今茹古豈能朽腹常談於是詳按志書稽查閱款清古
社學田被庵僧侵佔者百畝查丈新正都赤嶺廟新墾田
一十八畝零併銀阮鴈官山租錢每歲若干歸之書院
以充師徒廩膳及月課獎賞嚴立規條永清弊竇每歲計
租所入逐月按名投餼從茲以起繼往開來一座春風暢
披拂之和氣盈門桃李渥雨露之栽培論道論文咳吐盡
成珠玉釋菜釋褐驪首同步天衢則吾邑文教之興當與
百里甘棠彼此並著其美學者科名之盛實藉兩浙賢君

先後輝映之光矣是為引

皆

乾隆二十八年歲次癸未仲冬月上浣之吉

嗣因經費不足磨經前邑令楊長桂斷業撥歸書院田產

今將土名坵畝開列於後

一萬壽寺撥張家山地則早田三畝二坵 苦竹波中早田

一畝一坵 打籽坵 上則早田二畝五分一坵 北岸阪

上則早田二畝一坵 雷鳴坵上則早田二畝八分一坵

朱家隔下則晚田二畝一坵 力回原杓柄下則早田

一畝一坵 橫爭坵下則早田一畝五分一坵 晚禾坵

下則早田一畝一坵 橫路頭中則早田一畝一坵 小

鵝口二畝一址 捏頸坵中則一畝一坵 松樹下一畝

五分一坵 廟背後一畝三坵俱中則 金家阪上則田

一畝六分一坵 井坵上則田一畝一坵 靠頭下早田

一畝 萊子坵下早田一畝六分 朱蔣村石橋頭早田

二畝四分 葉家山大塲下早田三畝地則水打荒禾收

租 過水坵中則早田一畝五分 小橋阪中則早田一

畝八分 同處中則早田六分一坵 李洲鵝下則早田

一畝二分一坵 便長鵝中則早田一畝八分一坵 落

隴坵中則早田一畝二分一坵 八十里上則早田一畝

一坵 七十里中則早出一畝一坵 曾家波下則早田

二畝四分二坵 坦村阪下則早田七分一坵 土塲下

中則早田一畝

以上共田四十八畝一分內水打荒三畝共收穀二十
四石二斗

一黃山寺撥石嘴頭中田一畝二分六釐一坵 牛角坦中
田一畝八分二坵 余村鵠中田四畝零六釐十四坵
塘鵠裏中田二畝一分六釐十三坵 圳上中田三畝六
分五坵 江冲中田一畝四分四釐二坵 杉樹嘴中田
一畝六分二釐一坵 戴港中田四畝五分三坵 狗屎
墩中田一畝八分一坵 蔣家園中田二畝四分三厘五
坵 長家園中田二畝五分二厘四坵 插樹鵠下田三
畝五分二十三坵

以上共田三十畝另七分八厘共收谷二十六石四斗
一甘露寺撥引水路田二畝三坵 坦前田三畝二坵 桐
子樹下田二畝二坵 涼傘樹下田一畝三分三坵 周
家壠田四畝四坵 大墳頭田二畝二分一坵 坦前田
三畝一坵 獅山下田四畝四分一坵

以上共田二十一畝九分收谷一十一石內除三石付
佃戶代納錢漕

連前五共田二百畝計谷一百六十七石但田有肥瘠
歲有豐歉計每歲租收不及中業除錢糧漕米外師長
束修膏火生徒獎賞飯食不敷支用近將眾紳士樂輸
紹文書院膏火田租湊用仍形竭蹶合邑公議請仍照

初制延卿先生庶不致輕褻師尊而生徒亦得專心肄業云

邑人藍侃記曰雍正間山陰沈侯來令吾邑加意右文乃即古義學遺址葺而新之顏曰昌江書院聘請名宿諸生以時肄業其中月費歲糜皆捐俸為之而經久之計垂有待焉踵其事者作輟不常未覩所云日昃而大有功者蓋猶未有以繼畧也乾隆甲申之歲四明黃侯蒞任乃進邑紳士謀所以佐鷄憲五夜之讀而經費未遑諸所度支權宜解俸猶沈侯志也邑西涯之大石口舊社學址明邑侯錢公為建文昌庵祀司祿神以新一邑文運邑人龔田召僧奉錢公神主憑焉蓋百餘年享祀不忒也越癸未僧日

毀前蹟而更張之於是紳士發其事於黃侯侯乃白郡守詳而可院各憲將文昌庵田百畝赤嶺廟下墾田若干某處塚山竹木若干彙歸昌江書院並條立章程師擇之邑事董之民計其所入以給師生以賞修葺周詳完喜所願吾邑之人月有要歲有會循而行之擴而大之有其舉之莫敢廢之其於兩侯興賢勸學垂法行遠之深心益遠行而未艾云沈侯名嘉徵字懷清山陰人黃侯名繩先號墨舫浙江鄞縣人其奉擬膏火詳請定案則乾隆二十九年也

乾隆四十四年九月縣丞廖相到任踞住昌江書院拆改前廳移作三堂另蓋大堂仿縣堂式垣牆俱經拆卸邑紳士

汪瀾張夢熊吳勳錢緯朱仁侯爾任鄧傳仁金永紅汪整
范世經錢文姚吳篤生閔日保黃達禮里民李廷琥庾家
註文廷佐等以廢學改署事呈縣及軍廳批飭遷移不
遵致控

巡道憲額 批仰署縣謝 勒限遷移至四十五年二月

移回本署拆改之後不勝殘缺至四十六年二月衆議在
書院設局修志用公費修理完固

紹文書院

國朝乾隆三十八年知縣黃泌因北關蓮荷塘污塞學宮泮泔
源流乾竭又泮宮前震箕二方文峯倒塌魁星閣久圯慮
不利於人文爰倡首捐銀四十兩而邑之紳士耆民逆踴

躍樂輸興工於三十八年挑濬蓮池深廣倍舊池面架石
橋五澗名曰聚奎長半里許於兩岸建屋三進講堂疏舍
內室大門規模閎敞顏曰紹文書院而學宮文塔魁星閣
一時並舉邑侯錄課則於昌江書院肄業則於紹文書院
一切事宜仍隸昌江書院不忘本也督工監造紳士方鳴
戴秉中葉敷榮閔日保汪鴻沛李世權鄧傳仁金如蘭黃
兆鷹查鴻里民葉廷謨朱炳張振邦等

開塘公呈

具呈紳士侯世爵鄧夢琴閔如松熊兆飛汪鴻源吳治疆
閔世欽林士綵李文繁方鳴鮑超朱希呈姚循良錢文萬
李世燿戴維揚孫修查鴻黃兆鷹侯雯珠朱仁金如蘭吳

篤生戴秉中葉大中等為請濟潁源以昌文運并益膏火以廣教思事竊惟教化首重乎學校相度必協乎陰陽朔縣治建於唐武德之年而學宮興於宋元豐之代枕高岡於孔阜嚮廣誥於廉貞昔賢謂四象有旺相之司五行有生尅之用元冥得其位則閏伯失其尊於是引昌流而遠琵琶之洲負城堞而經錦繡之市錫名北沼舊甃柳溪下歸宿乎尼閣中環接乎泮水蓋舟則火鼓則疫而涸則淹者相傳既有定論關於元歸於蕭而濟於程者自古又有成茲憶昔沈侯之肇始所望繼起之率自由土壘而草生空源涸而流斷學海乏靈泉之淪地脈失元辰之滋環佩不聞空占御街三折源頭未濟難比方塘半開豈同白浸之僅飾遊觀異營召渠之徒鏡浸灌所宜急請疏治以副興舉盛心者也迺若秀穎厚空橋門面對平巒首元雖披霧文星遙接於陽坂維兩溪之中分表雙塔之拱峙在首著先庠後庠之美於今有曹筆畫筆之差既乘致以制離當出震而齊巽有基無壞豈第一黃之資繼長增高無需七級之峻并請重葺聿觀厥成至若義學乃黨庠州序之遺祭酒即先生君子之選昔者規條未立城闕褊散青衿權輿不乘御塾鞠為茂草唯茲膏火之不給上墮樂育之清心然在案牘之親裁無難變通以盡利彼佈福田於祇樹固為棄之於無庸即散義生於莠蟲亦為富之而不教惟同割負郭之畝共受講堂之餐庶博習親師能獨立而

不返離經辨志弗見異而思遷恭惟

臺下治成愷悌績著循良既四知之自盟復百廢之具舉
事似迂而實切業已士民龜著之協從運有開而必先好
見追琢金玉之濟美矣為此公同願請伏乞 批示飭遵
并 賜身言勸輸式觀大功易竣旋奉 縣批遵荷塘為
泮水之源義學乃育才之地本縣備員茲土每見池渠淤
塞膏火不敷未嘗不三復思之今據該紳士等公請款將
泮源疏濬文塔增高並輸負郭田為義學善後之計洵堪
助予所未逮殊深嘉悅候給序倡捐仍希各賢士共勸盛
舉

乾隆三十九年工程告竣知縣黃泌有記

黃泌記曰

皇帝御極三十有八年歲在癸巳二月之吉余既允浮梁士大

夫之請重濬范文正公所鑿蓮塘四十餘畝蓋邑絡縣治

環繞黌宮昔人謂一邑士民之元氣命脉咸繫於此余雖

捐俸四十金為之倡然厥功甚鉅圖始甚難首事者謂騰

口說非所以利大作也事河者必先惡池事泰山者必先

配林慎之至也橋門前震巽二峯之圯久矣形家者言其

利害與蓮塘之通塞相等於是先鳩工治石不匝月而二

塔告成其真震方者高三丈三尺有奇徑六尺有奇圍二

丈有奇莫璇宮者稱是余於是進閣邑諸君子而申之曰

盞之有事也非先甲三日則後甲無基其巽之有終也非

後庚三日則先庚無其繼能始之能終之唯諸君子是藉諸君子聞余言也信輸將恐後其有事于是役者衽相接趾相錯也顧蓮塘自沈公懷清歲事以來已越四十餘年矣其淤也不啻十倍于曩昔其所謂先後甲者謂何而先後庚者又謂何也余適做河工聞方之法變通以授治事者人治一方縱二丈五尺橫一丈五尺深三尺畚鍤並興蓋即周禮廣尺深尺曰畎廣二尋深二仞曰澮之意也以一方匯十方層累而加蓋即高書濟澮距川之意也鳴柝皆作柝止而息亦卽司馬振鐸鳴鑼之意也蓋變整為奇以小注大自高趨下曲折以達於頽池經始於三十八年冬告成於三十九年夏初其事之梗概可紀者如此然後

環土為堤旁插以柳橫接以橋中植以蓮于是先賢旬宣之遺蹟湮而復著矣蓮塘故號北湖北湖故有雙溪書院創于邑人趙氏明周公仲先新之其後復燬邑治東故有昌江書院創于懷清沈公今尚延師以授生徒諸君子請仍建書院於北湖之右亦卽昔人所謂不於城闕而於山林者也余趨焉未浹歲而講堂齋舍庖滷牖戶煥然一新明年諸生肄業其中又明年後寢成尸祀邑大夫之有功于學校者邑人士請顏其名余維范文正公德業文章見于史者彰彰矣而治饒曾未匝歲浮梁于饒屬邑之一耳而蓮塘至今留蹟雙溪書院之北故有高風後樂二亭今閱七百年而陳迹復新諸君子之鼎建卜吉暗接高風後

樂之聲豈非奮乎百世之上其下者莫不興起乎哉顏之
曰紹文懷賢也諸生幸生

佑文之代涵濡教育已百餘年而又講堂宏開左右湖山之秀
將景行維賢繼聲繼志詎不知所後事哉其與諸大工相
先後者如新奎星閣以培文明表雙闕以肅觀瞻皆學官
之時至而事起者也合邑人士和衷共濟踴躍興學之意
固不可忘也并誌其姓名於石浮梁縣知縣鴈門黃必撰
邑人鄧林觀清蓮塘歌城北闕前舊有沼歷年久遠淤生
草識符在昔遺言北涸則士氣淹不保一乃心力鳩工早
規模期復前時好千夫雲集齊臂掉鳴鑼會食天方晚負
畚携鍬趨赴慄散立塘中如鷗鳥俯首昂尻疾爬爪邪許

聲高音嫻弱者擔者相環繞肩摩踵接連傾倒低窪水
猶波森森枯槁軋軋足踟攪瀑瀉濤翻濺珠散銀鱗潑刺
拋梭擣漁人不暇施網勒裸程跳躍猶獲檢後手紛拏陷
沉潦岸旁觀者如堵葦鼓掌喧譁行道濟得渠塘深且
窈澄泓拍岸沒洲島流入宮牆濼芹藻塘為泮水之源文瀾壯闊
源從討士氣歡騰未有了躡足直上青雲表方信決排功
匪小

合邑紳士樂輸紹文書院田畝租數開後

棋溪都汪鴻源翰上義都社鴈早田四畝 瓦窰坵早田二畝

五分 八分里早田八分 黃土塆早田七分 柿樹嘴

早田一畝 王家鴈早田一畝共十畝收谷十石

東陽俞北鯉輸隴源都庫嶺地則田十三畝十畝收穀六石

湖田都林大森輸樵溪都水南渡田二畝二畝 小路下田一

畝二分一畝 和尚陂田一畝一畝 同處合五分二畝

三里都棉花陂合田二畝四分五畝 杉樹陂合田一

畝六分三畝 庄陂合田一畝五分一畝共十畝另二分

收谷六石四斗

東陽戴秉中輸上義都冷水陂晚田五畝九畝收谷五石

高義都李應愈輸樵溪都上田八分一畝 洪家亭中則早田

一畝八分一畝

上義都寒冲陂田二畝六畝共

四畝六分收谷五石

北陽侯世爵輸洋湖七冲陂晚田五畝六畝 程家阪即鱈魚

尾晚田四畝九畝 同處程家陂早田一畝一畝 香包

陂早田五畝七畝 爛泥灣即白石洲早田四畝三畝

程家墳早田一畝共二十畝收谷十四石

湖田都林士纘輸樵溪都廟嶺上早田六分一畝 高義都徐

家陂晚田三畝六分二畝 徐家陂早田二畝九分三畝

小南陂晚田一畝四分一畝 徐家陂晚田一畝五分

二畝共十畝收穀八石

上梅田都胡元鑑輸上義都馬石嶺中早田七畝三分三畝收

谷五石

辛正都吳祖健輸豐田都薑茨坂上早田一畝一畝 老屋場

中晚田一畝一畝收谷二石

東隅李世耀輸樵溪都阮邊中田一畝一坵收谷六斗

西隅黃應華輸田一畝上義都葉家鵠早田三坵塘鵠早田一

坵共一畝收谷六斗

下義合符昌簡輸樵溪都月下中田三畝 坵收谷二石四

北隅侯世第之妻閔氏輸樵溪都洋湖千家鵠上早田三畝五

坵收谷二石四斗

北隅侯雲斌之妻葉氏輸孫家源早田二畝四分二坵 橋頭

邊早田二畝二分二坵 狐狸山早田一畝六分一坵

金家墩早田四畝二分二坵內有麻地一片 又狐狸山

下早田一畝二分一坵 沙坵早田一畝二分一坵 馮

源鵠晚田二畝五坵 葉村直鵠晚田五畝二分十坵共

二十畝收谷二十石

長鄉都吳廷璧值下世揚等輸舒家洲熟地四十三畝有零近

因盜挖磚土租無定額

北隅侯瞻一值下爾任等輸紹文書院右邊基地一片

北隅方鳴翰蓮塘樟樹橫過下首塘及新築堤壩地一帶併輸

田三畝計租二石一斗坐落土名樵溪都洛居坵計三坵

西隅閔遜輸樵溪都陸家鵠銅佛巷門口土名井坵晚田二畝

一坵收谷一石六斗

長山都李宮蘭室潘氏輸樵溪都湖田都等處田畝土名列後

汙泥鵠晚田九畝二號 下坵 程田餘山

操家墩早田一畝三分號東田西墩南田北田

何家墩晚田一畝六分一號東北四方田南山

彭家坂早田六畝九分六號上路下田南溝北田

龍耕窟晚田二畝一號西北南田一號東田南田西港

北港一號東西北溝南田

窖水塘早田二畝一號東田西田南山北田

大灣口晚田一畝八分二號東西南山北田

彭家塢晚田三畝二號東西南山北田

彭家坂早田二畝一號東北塢西南溝

鹿頭坡晚田一畝二分二號東田西南北田

以上共早晚田三十畝乾隆四年六月初八日諭契存案此係該氏口食內田畝

呈明致日交歸書院首事執管核亦未刻

樵溪都朱成章翰蓮塘樟樹上首東邊地一角併入大塘

乾隆四十五年買得徐大宗北隅蓮荷塘高阜墩墓地一號東

至大路抵塘南至葉姓牆脚西至方姓田北至李姓墳灣

溝為界內餘墳四塚除墳顯祭

乾隆四十六年買得朱志也蓮荷塘口村山地一號東至大路

南至牆脚外方姓山地西至蔣眷牆外山北至牆脚外街

路

塘東鴛鴦纏地一片交租錢二百文鄧六子種

北隅觀音閣路東港培書院公地一片閔文吉租

觀音閣基地一所橋上首現建屬壇橋下首看守程敬書

種

景仰書院

書院建在景德鎮五圖江家鵝原名淨土庵

國朝乾隆十年間浮梁縣知縣李仙洲詳改為義學十二年邑

紳士程閻等呈請改建書院嗣因房舍窄小不敷肄業李

令高同軍廳鄭之僑公同捐輸得銀二百餘兩增修堂宇

報明各憲尋鄭丁憂李調任事遂中止亦經知縣沈均安

楊文灝詳覆在案乾隆十八年以書院建而未成仍招僧

居住四十年僧馮私伐院內樹木經貢生石應科等呈請

署同知興聖紀詳明沒設書院四十一年監生沈大振等

願輸田六十二畝捐銀二百餘兩作延請掌教經費之用

經興聖紀通詳各憲名曰景仰書院隨經督憲駁飭軍廳

朱選齡暨首事沈大振等續勸捐輸合邑紳士侯世爵林大榮等捐輸銀四百七十餘兩合前共銀七百餘兩取息數用至延請山長考取生徒給發膏火由軍廳經理現在首事沈大振劉光葆陳即聯程志高陳清鏡應鼎黃士拔徐緯工應藻劉松齡也書院規制門內照堂五間講堂五間後樓屋三間左右廂房並堂側廊房共計六間院外偏左屋二間供奉龍神

社學

社學舊在城四各鄉一

西社學在城隍廟東

北社學在北隅

北關社學在靜定門外

建陽社學在肇家澗

鎮社學在鎮市都

長鄉社學在長鄉都

湘湖社學在湘湖市計堯有記

南村社學在石門山

潭口社學在城門都程時思有記

以上共九學皆嘉靖二十一年知縣汪宗伊撤淫祠復舊額今俱廢計程二記並逸

按浮梁斗大學宮之外佐以書院而社學幾於鄉邑相望方其盛時可謂絃歌四達矣日久或廢事勢固然志傳汪少泉撤淫祠復舊額夫黜邪崇正識力俱完偉哉臺傑埒非俗吏之所能為也典刑未遠安得一循其初耶

棲梧文會在城門都乾隆三十六年城門都閭都翰租建立課文於桐林寺主請邑令黃泌批示立碑

為至請勒石以廣文教以垂永久事竊惟自古人材之興始於庠塾而教育之重必藉師儒敬業樂羣既社學之有地月要歲會尤喜逸之宜周邑北鄉城門自昔人文稱盛

即今藝苑多材選舉彌隆陶成應切顧覺宮有訓課之法書院建肄業之規然而遠赴市城不若就教梓里爰合一都義舉共立多士講堂擇道里之適均因桐林而設會少長咸集日月刮摩立義田而供七年九年之課功聘名宿以待小成大成之造就庶幾衡茅樂育之心無負

朝廷重道之典但課程定有準則膳膏設有規條善始令終端在貞珉之立信今傳後惟憑椽筆之加仰乞片語春溫懇賜一言鼎重俾人心鼓舞樂善者增慷慨之懷士氣激昂鼓舞者快凌霄之步將見春華秋實實與不絕賢能之書言舉行揚陶冶羣沐父母之德矣奉

縣主黃批該都設立講堂延請名宿令子弟肄業即古

之所謂家塾黨序也。如果善始善終行之不輟，將見戶有
絃誦，人興禮讓，寧特陶冶人才而已。是宜勒石以垂永久。
乾隆四十二年仲秋月，城門都樓格文會衆川附入社學。
錦江社學在長寧都乾隆三十六年鄭英孫翰相建立於村
南，構閣三座，齋舍一間，課族子弟訓導。凌汝綿題其閣曰
奎光。

中華民國廿四年三月七日 敬刊

抄

2808

